









vota implenda in illa, poterit prelati hac vota irritare, illud vero minime. Sed oppones, si votum castitatis tunc irritet vir, & ita consummatur matr. jam non posse uxorem ad religionem transfere. Dic hoc non obiare. Quia licet auferatur obligatio voti castitatis, adhuc manet votum transfundendi ad religionem, quod obligat ad non consummandum, ne ingressus rem, sed solus animus ingrediendi affuerit, non tenetur ex voto castitatis ad religionem, nec ex eo animo (ut diximus disp. 34. n. 3. & 4.) Atque ita non obstat irritatio illius voti, impedimentum ingrediendi religionem. Unde fit ut eo voto castitatis irritato, possit consummare uxorem sine petendo, sine reddendo, etiam prius bimestri, nisi votum religionis obstat: quod si illud emiserit, peccabit primo consummans contra votum religionis, non autem contra votum castitatis. Et si tunc adulteretur, non erit sacrilega adversus votum. Quia omnino extinguitur per irritationem: perinde ac extingui diximus n. 12. quando matrimonium consummato emissum est.

21 Ad argum. num. 14. proposita, Ad 1. dic sufficere ut persona vovens sit subiecta, & materia voti tempore, quo illud emissum est, quamvis obligatio executionis sit dilata in tempus libertatis. Quia verificatur tempore subiectionis esse subditam materiam vinculo illius voti, & ex tunc illo obligari ad exequendum tempore libertatis. Ad 2. constat ex dictis n. 19.

SUMMARIUM.

An vir possit irritare vota uxoris ante matrim. facta: proponuntur argumenta probantia partem negantem, n. 22. Potest, & remissive an sit vera irritatio, ita ut non reviviscant, n. 23. & ibi, remissive, quid quando tempore divortii facta sunt. An peccet vir irritans, quando de consensu patris emissa sunt, n. 24. An habeat verum in solis votis viro prejudicantibus, n. 25. Quid, in voto dandi elemosynam, n. 26. & ibi, remissive, quid, quando hoc, & cetera vota facta sunt ante matrimonium, existente muliere sub alterius potestate. Quid in voto castitatis, n. 27. & ibi de votis de rebus necessariis, & remissive, quando facta sunt hac omnia vota tempore divortii; vel ubi uterque vovit continentiam aut religionem. Quid, in voto religionis, num. 28. & quid, si factum sit tempore divortii. An peccet mulier nubens, sciens fore ut non possit implere vota; remissive, n. 29. Quid, de obligatione facta homini per uxorem ante matrimonium, n. 30. Solvuntur argumenta, nu. 31. Post quem invenies alia summaria.

22 Quesitio IV. An possit vir irritare vota uxoris ante matr. emissa? Et quidem pars negativa inde laudari videtur. Quia ea vota sunt omnino independentia a viro facta: cum tempore quo emissa sunt, non fuerit uxor illi subiecta. Secundo, quia obligatio illa voti jam erat Deo acquisita, juri autem acquiescit non potest vir derogare, ut non possit obligationem homini factam per uxorem ante matrimonium irritare.

23 Ceterum dicendum est, posse virum irritare ea vota: loquendo hic termino irritationis, quia eo utuntur Doctores, quos referam hic, quamvis sentiam cum aliquibus illorum, eam non esse irritationem, sed suspensionem pro tempore constantis matr. & ita eo soluto reviviscere (quod n. 39. explicabo) probatur ex D. Aug. lib. 4. q. 56. in Num. & habetur c. Noluit, 33. q. 5. ibi: Ita si adhuc innupte concesserit pater vota persolvere, si antequam persolverit, nuptus sit, & viro ejus hoc egerint non placent, non persolvat, & hoc omnino sine peccato. Et rationem trademus num. 25. Et videntur tenere Hostien. summ. tit. De voto, s. Quis vovisse possit nu. 7. vers. Uxor etiam, Anton. c. Scripturae, nu. 3. de voto, ubi Abbas num. 8. Cardin. qu. 15. Arch. num. 14. Henri c. nu. 6. D. Anton. 3. p. 1. c. 22. int. Rosell. votum 2. n. 7. Angl. votum 2. n. 11. Lex 8. r. 8. p. 1. ubi dicant uxorem non debere implere vota ante matrimonium, facta, contradicente viro. Et docent expresse Hugo & Arch. c. Noluit, n. unic. & ibi Bellam. statim in princ. Turrec. c. Sunt quedam 17. q. 1. nu. 9. Vincent in speculo doct. in 2. l. 9. c. 86. Sijoff. votum 4. q. 2. dist. 1. Abul. c. 6. Matth. q. 149. Navo. sum. lat. c. 12. n. 85. Jn. Hipp. addit. ad eundem n. Monal. sum. trad. de voto tit. De votis conjugator. vers. Sed nunquid possunt. Alex. in Enchir. 2. par. de potest. confessor. c. 5. n. 155. Philiar. de offic. sacer. to. 1. p. 2. l. 3. c. 4. s. Sed major difficultas, Arag. 2. 2. q. 88. ar. 8. f. 1020. Azor. lib. 11. instit. mor. c. 17. q. 14. Valentia 2. 2. disp. 6. q. 6. de voto, pun. 6. q. ult. de votis subditor. Grassi 2. par. decis. l. 2. c. 12. n. 45. Man. 2. to sum. 90. n. 30. Sumanica q. 3. de voto, n. 75. Em. Sa summ. v. votum, ubi de voti irritatione, s. 1. Vega 2. tom. sum. cap. 29. c. 20. Quid autem, si tempore divortii laiant? dicam num. 41.

24 Hinc inferitur, licet pater consenserit voto, non peccare virum postea revocando. Quia utitur jure suo, cui pater praedecernere non potuit. Videtur expressa sententia D. Augustini, cujus verba n. praec. retuli. Et ita intelligentes verba, docent Hugo, Archid. Bellam. n. praec. relati.

Aliqui temperant, ut intelligant de votis marito praedecernentibus. Sic Abbas Monald. Sijoff. Navar. Azor. Id tamen mirum non est. Quia sunt in ea sent. ut vir nequeat vota ab uxore constanter matrimonio facta irritare, nisi sibi praedecernat (ut n. 3. vidimus) Ceterum exilimo posse omnino irritare (excipit votum religionis, de quo dictum n. 28. & votum castitatis, atque de rebus necessariis: & dandi elemosynam, de quibus dicam n. 26. & 27. Quia quamvis actus liber, quo mulier ante matr. vovit, non sit viro subiectus, tanquam omnino praeteritus; at materia illa voto promissa, est jam plane viro subiecta. Quia potest modo vir in omni tempore occupare uxorem. Qua ratione utitur D. Th. 2. 2. q. 88. ar. 8. ad 3. ad ostendendum nulla religiosi vota esse firma absque praeteriti consensu. Atque ita nec ea uxoris vota ita firma erunt, quin possint a viro revocari. Et hoc dicit esse probabile Ludov. Lop. 2. par. instr. c. 48. s. Rursus.

Excipie 1. vota realia emissa ab uxore ante matr. Ut si tunc 26 vovit elemosynam, cum esset sui juris, ut si erat vidua, vel carebat patre, & tutore: haec enim vota non poterit maritus irritare. Quia judicandum est, ac de aliis debitis, ad quae uxores antea tenebantur. Quamvis enim id debitum sit personale; nulla enim hypotheca afficit bona, alias transire obligatio ad singularem successorem, ut legatarium, vel titulo emptionis possidentem ea bona, aut donationis: non tamen est debitum, quod jurispersonis personalitatem appellat: aliter obligatio voti realis explendi non transferretur ad heredem. Quod est contra omnes. Et ita potest dici quodammodo bona afficere, atque ita virum teneri permittere, ut uxorem expleat, & cum eo necesse recipere bona. Dixi, si erat sui juris. Nam si non talis esset, licet pater, tutor, aut vir non irritarent, maritus poterit. Quia loco illorum succedat, & erant vota dependentia a consensu superioris. De qua potest videri late disp. 41. & generaliter de aliis votis, quae vir nequit irritare, eo quod facta sint ante matrimonium, an possint in hoc eventu irritari?

Secundo excipit votum castitatis ab uxore ante matrimonio emissum: id enim a viro irritari nequit. Quoniam illud votum continet duo, nempe, non exercere adum venerem, nec reddere nec petendo. Quoad primum non indiget irritatione. Nam fortiori matrimonium vinculo constringitur reddere. Quoad secundum autem, irritari nequit a viro. Quia materia petendi non est viro subiecta, ita ut prohibere possit, aut praecipere debiti petitionem, sed mulier est libera, & sui juris in hac. Nec actus liberi, quo mulier cum sibi obligationem imponit, est sub viro dominio & potestate. Quoniam est jam Deo consecratus, & quando fuit elicitus, non poterat prohibere ne eliceretur. Quare non est audiendus Jo. de Friburgo summa confessorum, lib. 1. tit. 8. q. 35. dicens posse virum id votum irritare. Cujus contrarium tenent omnes, quos n. 10. retuli, aserentes nec emissum post matrimonium votum castitatis posse a viro irritari. Eodem ratione dicendum est, nec posse virum irritare vota de rebus necessariis, ut de non furando, de non mentiendo, emissa ab uxore, ante matrimonium. Quia nec materia illa tanquam necessaria subditur viro. Nec actus liberi, quo votum factum est, tanquam omnino praeteritus, & Deo consecratus, & quidem eo tempore quo voluntas illa a viro non dependebat. In quo distinguitur a tali voto post matrimonium facto. Quia tunc voluntas erat viro subiecta. Et ideo n. 4. diximus posse a viro irritari. Utrum autem possit vir irritare haec vota, quando tempore, quo mulier erat impubes, illa emisit, poteratque irritare a patre, matre, vel tutore? dicam disp. 41. n. 4. Si autem facta sint tempore divortii, dicam hac disp. n. 4. & quid de votis factis postquam uterque conjux vovit continentiam, aut religionem, dicam, disp. 42. n. 10.

Tertio excipit votum religionis ante matrimonium ab uxore emissum, non enim poterit a viro irritari. Quia si matrimonium non est consummatum, tenetur tunc implere: & id votum tunc emissum non potest irritari a viro (ut probavi n. 19.) nedom votum factum ante matrimonium. Si vero jam sit consummatum, non indiget pro tunc irritatione. Quoniam impleri nequit. Nec potest irritari pro tempore, quo uxor erit sui juris, quando jam tenebitur implere. Quoniam materia illa non erat viro subiecta tempore quo promissa est, nec actus liber, nec subiectus etiam materia tempore, quo votum implendum est. Quae dixerim, si mulier jam pubes promisit. Nam si erat impubes, & ita poterat votum illud irritari, dicam disp. 41. n. 45. Quando factum est tempore divortii, dicam hac disp. n. 28.

Utrum autem peccet mulier matrimonium inens, sciens fore impedimento ne vota expleat? dixi n. 8. Tandem, si mulier obligationem aliquam cum homine 30 contraxerit ante matrimonium, vir non poterit illam irritare, propter jus homini acquisitum. Et quia mitius agitur cum Deo, quam cum homine. Sic docent Hugo, Archid. & Bellam. n. 23. allegati, & potissima ratio differentiae est. Quia superior non gerit vires hominis, cui jus acquisitum est, ut possit illud remittere, & irritare: at gerit vires Dei, cui jus per votum acquiritur.

Ad argum. num. 22. proposita responderetur. Ad 1. dic argu. 31 mentum concludere, eam non esse veram irritationem, sed suspensionem: quod est verissimum. Ad haec autem suspensionem latet esse uxorem postea incidere in viri potestatem, non enim placet Deo, ut ipso contradicente impleat. Ad 2. dic, non potest illud remittere, & irritare: at gerit vires Dei, cui jus per votum acquiritur.

do: ut dixi in solut. praec. autem idem non possit in obligatione cum homine contracta? dixi n. praeced.

SUMMARIUM.

An vota per virum irritata reviviscant? Si vera irritatio sit, non reviviscunt, secus si sit suspensio sola, num. 32. Referitur quaedam sententia, n. 33. An ut vota irritata non reviviscant, desideretur potestas, & dominium in voluntatem subditi, vel sit in materiam promissam, n. 34. An si superior irritat det licentiam potestatem, tenetur subditus implere votum irritatum, & quid si non fuit vera irritatio, sed suspensio, n. 35. Vota uxoris facta post matrimonium, & irritata non reviviscunt, num. 36. & ibi, idem de votis servorum, & puerorum.

Idem de voto castitatis tempore facta, & irritata, n. 37. Idem de votis factis in tempore soluta potestatis, & irritatis, n. 38. Vota uxoris ante matrimonium facta, & irritata a viro reviviscunt, n. 39. & ibi, an uxor teneatur ad ea viro potestatem dante licentiam?

Quid si alius mulier ante matrimonium vovit, erat sub potestate alterius, qui poterat irritare, ut sub potestate patris, tutoris, alteriusve mariti, vel in ea etate vovit, ut si esset sub alienius potestate, possit irritare? An possit vir potestatem ea vota irritare, ita ut non reviviscant? Et quid de votis factis post matrimonium, ex licentia viri, & irritatis? Et an vota viri per uxorem irritata reviviscant? Remissive, n. 40. Quid de votis factis tempore divortii, an reviviscant quasi facta ante matrimonium, ut reconciliatio facta si vir irritet, reviviscant. Et si sint castitatis, vel religionis, vel de rebus necessariis, ut de non mentiendo, nequeant etiam imperfecte irritari, ac si ante matrimonium facta essent, n. 41. An vota emissa ab aliquo ante ingressum in Societatem Jesu sint suspensa, & reviviscant, si vota biennii expellatur, n. 42.

Quid, si superior irritet ea, vel tempore novitatis emissa, vel post vota biennii etiam facta in tempore expulsiōis? & an possit irritare, n. 43.

Quid, si eis dispenset? & an possit, n. 44. & ibi, an possit Episcopus cum novitatis dispensare. An superior possit irritare vota professi, que noluit in profissionem commutare, ita ut eo expulso, non reviviscant, num. 45. Solvuntur argumenta, n. 46.

22 Quesitio ultima. An vota uxoris absque viri licentia facta tunc implenda, vel in tempore soluti matr. vel facta ante matrimonium, aut tempore divortii, & a viro irritata, reviviscant, ita ut soluto matrimonio teneatur uxor eam implere? Absque controversia est (ut bene animadvertit Valentia 2. 2. disp. 1. quest. 6. de voto, pun. 6. q. 4.) vota omnino illegitime irritata, ininvie reviviscere. Quoniam per irritationem, illa obligatio voti est omnino extincta: obligationem semel extinctam minime reviviscere, competere juri est, I. Cum ex causa, Cod. de remis. p. q. Quia cum jam desierit esse, vires realiter non poterit, nisi iterum obligatio illa imponatur ab eo qui potest. Sicut lex semel cassata non potest amplius obligare, nisi iterum Principe cum faciente. Quare aliqui Doctores aserentes votum semel irritatum reviviscere, aut sunt improbandi, aut intelligendi, quando non est vera irritatio, sed suspensio voti. Hi sunt Vincent. speculo doct. tom. 2. lib. 9. c. 85. Tabiena votum 5. q. 5. & videntur tenere Innocent. c. Scripturae, de voto, num. 3. vers. Idem credimus, & ibi. Hist. ad fin. Joan. Andr. num. 4. Anton. num. 3. Cardin. q. 13. Arch. n. 8. ubi dicitur impubere teneri implere votum peregrinationis, ubi fuerit sui juris. Atque communiter referunt pro hac sententia Innocent. ibi. Sed nec ipse nec alii, qui cum omnino sequuntur, explicant, fuerit votum irritatum nec ne. Difficultas igitur praesens eo pertinet, ut explicetur, num haec sit legitima, & vera irritatio, an potius suspensio voti pro eo tempore, quo potestas mariti durat. In priori enim casu constat vota illa penitus extingui, & ideo nunquam amplius obligare: in posteriori autem obligare cessante viri potestate. Quidam igitur opinantur uxorem vota constanter matrimonio facta non vere irritari per viros, sed esse suspensionem pro tempore constantis matr. atque adeo eo soluto reviviscere, & implenda esse. Ducuntur, quia hoc differt, inter irritationem ratione dominii, aut quasi dominii in voluntatem: aut ratione materiae; quod in priori casu est vera irritatio; & ita votum non reviviscit, ut contingit in votis impuberum, & religiosorum. In posteriori autem, si materia est humilior, ut maneat in potestate subditi, postquam a potestate superioris extinguitur, ut si vovisset quotidianam elemosynam, non est perfecta irritatio, sed suspensio, atque adeo soluta potestate, votum reviviscit, ut contingit in votis uxorum. Quod inde probatur, quod nequit superior irritare votum illius, nisi quatenus potest illi subtrahere materiam oblatam: cum sit solum superior quoad rem oblatam, at nequit materiam oblatam auferre, nisi pro tempore, quo est illi subditus, pro quofoluo tempore materia est sub illius potestate. Ergo non potest omnino votum irritare,

sed illud suspendere: & proinde cessante potestate reviviscere. Secundo, quia quando subditus petit licentiam exequendi votum eo tacito, negatio licentiae superioris non est voti irritatio, secundum omnes, sed cessat pro tunc obligatio per materiam subtractionem, manente voti vinculo, & cessante prohibitione reviviscit. At ita contingit in praesenti, tantum enim subtrahitur materia subjacens dominio viri. Ideo hanc sententiam tenent Rosella votum 2. n. 7. & 23. Valentia 2. 2. disp. 6. q. 2. de voto pun. 6. q. 4. Junta q. ultim. de votis subditorum. Nam in ea quest. 4. docet quando subditus aliquis quoad totam materiam, votum reviviscere: & q. ultim. docet uxores quoad vota non subjeci ratione voluntatis, sed materiae promissae: ac subinde censet ea reviviscere. Item tenent in alio simili, fatentes tamen rem esse dabant, Palud. 4. dist. 38. q. 4. art. 2. concl. 11. num. 29. D. Anton. 2. p. tit. 11. cap. 2. s. vers. 2. pueri, nempe, in voto filii puberis. Et similitudo in hoc consistit, quod talis filius solum ratione materiae subditus patri, ut probavi n. 2.

Ut radicitus tamen intelligatur, quando vera irritatio voti 34 fit, quandoque suspensio: advertendum est dupliciter votum irritari posse. Primo, directe voti vinculum dissolvendo. Secundo, quasi indirecte, per remotionem materiae, illam prohibendo. Quando ergo votum irritatur ratione dominii in voluntatem, extinguitur directe vinculum, & ideo nunquam reviviscit. Quia cum adus ille liber, quo votum est factum, sit pendens a superioris consensu, tanquam ipsi subiectus, potest superior suo consensu revocare omnino, quo tunc extinguitur votum. Atque superior irritans id velle facere videtur, nisi aliud declaret. Quia id sonat irritatio. Quando autem irritatur votum ratione solius dominii, & potestatis superioris in materia promissam: quamvis Doctores, n. praec. relati, sentiant indistincte non esse irritationem & veram. At sic distinguendum arbitror. Aut materia omnino, & plene subiacet potestati superioris: quia scilicet, nulli alii est prius oblata, aut devincta obligatione aliqua subiectionem illam praecedenti, & tunc credo esse perfectam irritationem: & ideo votum hic irritatum non reviviscere contra Doctores n. praecedenti allegatos. Qui autem hoc docent, referam n. 36. Et ratio est. Quia quod juris est de toto quoad totum, idem est & esse debet de parte quoad partem, I. Quae de tota, in princ. ff. de rei vendic. & late tradit Eborard. loco a toto ad partes, n. 2. & seq. Sicut ergo ad omnimodum, & totalem irritatio vota potestatem desideratur, & sufficit dominium totale voluntatis subditi, seu actus liberi, quo vovet Deo rem illam, ita ad potestatem irritandi partialem, nempe, in materia determinata, sufficit ac necessarium est partiale dominium, nimirum, voluntatis, seu actus liberi, quo materia illa promittitur. Et confirmatur, quia sicut ubi adest perfectum dominium voluntatis subditi, potest superior omnia ejus vota irritare: eo quod vota habeant tacitam conditionem, nisi superior contradixerit, qui ratione dominii absoluti & totalis id potest efficere: atque est perfecta irritatio. Ita quando habet dominium partiale voluntatis subditi circa aliquam materiam, poterit circa illam perfecte, & omnino irritare. Quando quidem vota de tali materia habent similem tacitam conditionem: potestque viri contradicere ratione totalis dominii, quod habet in voluntatem subditi, quoad dispositionem de illa materia. Aut non omnino, & simpliciter subiacet potestati superioris, sed secundum quid. Ut si ante subiectionem jam illa materia erat Deo consecrata, & oblata per votum. Tunc enim non simpliciter subiacet illa materia superiori, nec actus liberi, quo oblata est Deo. Atque tunc dum superior irritat, non est vera, & perfecta irritatio, sed secundum quid, & potius suspensio. Ac proinde durante potestate exculatur subditus ab implementatione: at ea soluta tenetur. Et actum liberum tunc non esse subiectum, inde constat: quoniam est omnino praeteritus, & Deo per votum independentis ab alicujus consensu dicitur, ac tempore quo non erat subiectio. Nec potest modo abripi, quia ad praeteritum non est potentia. Nec subdita postea persona, subduntur ejus actus praeteriti; cum jam transferent. Dices vinculum voti, & obligationem esse praesentia. Respondeo, cum tale votum naturaliter, & intrinsece sequatur ex actu promissionis, nulla ratione potest superiorem hoc nomine votum perfecte irritare, nisi habeat vel haberit dominium in illum actum. Quod autem tunc non simpliciter materia subdatur superiori, probatur. Quia cum prius esset obligata Deo, qui jus in illam acquisiverat, non potest plus, & omnino subditi alteri. Sed potest secundum quid. Quia superior, nimirum vir, potest in omnitempore occupare uxorem, ac proinde potest pro tunc. Atque uxor fortiori servituti vinculo astricta non tenetur pro tunc vota exequi (ut declaravi n. 25.) Tandem eam irritationem in hoc eventu non esse veram, sed suspensionem, probatur quia ea vota sunt facta absolute & independentem a voluntate superioris, cum tunc non esset, nec subinde habet tacitam conditionem, cum tunc ratiō contradicere. Quod est ratio, & fundamentum potestatis irritandi perfecte: teste D. Th. 2. 2. q. 88. ar. 8. corp. Et ad 1. quem alii omnes sequuntur. Item, quia ea vota praeterita non sunt modo sub potestate superioris, cum jam sint Deo consecrata: sicut proximè dicebam de actu libero promissionis. Ergo nulla ratione potest ea omnino irritata facere. Cum nec habeat, nec haberit dominium in actum vovendi. Et confir. quia sicut actus vovendi fuit absolute, & independentem elicitus ita est a Deo acceptatus: & consequenter vinculum voti







Quia inter superiores habentes potestatem dominativam ad irritandum vota, solus ille habet simul spirituales: subdit tamen eum, cui votum irritatur, teneri obedire. At fundamentum eius nullius est momenti. Quia ad irritandum nil conferit potestas spiritualis. Et si nomine irritatoris intellexit dispensationem, est valde improprie locutus.

4 Prima conclusio. Si vir aut quicumque alius superior irritet vota de licentia sua subditi emissa, valida est irritatio: & quatinus peccet vir, aut alius superior absque causa iusta irritans; at uxor, vel alius inferior, immunitus est a culpa non servando votum, quod semel jam irritatum non amplius obligat. Probat. ex cap. 30. Num. ibi: Si audiens vir tacuerit, & in alteram diem disulerit sententiam, quicquid voverat, atque promissit, reddet. Si autem contradixerit, postquam rescivit, porzabit ipse iniquitatem eius. Ubi quamvis non dicat expressa Scriptura, uxorem esse culpae immunem, dum viro contradicente non servat votum, at tacite id significat, teste Cajet. ibi, dum ait culpam uxoris redundare in virum. Et ita intelligit eum locum D. Augusti. lib. 4. q. 59. in Num. & reterat c. Manifestum 33. quest. 5. ibi: Nam cum ad peccatum ejusdem vi-ri pertinere voluerit lex, prius si permiserit, & postea prohiberit: Et hoc tamen non dixit, quod mulier quae voverat faciat. Et D. Ambrosius. l. de Paradiso. cap. 10. & reterat c. fin. 33. qu. 5. ibi: Etiam si viro permittente responsa fuerit, non licet ei votum opere complere, cum vir voluerit revocare promissum. Et ratio est. Quia adhuc superior retinet dominium voluntatis subditi, & resistendum per voti executionem. Quamvis enim translatio domini non pendat ab actuali rei tui, sed tantum consistat in facultate re utendi. At superior in hoc even- tu concedens facultatem subdito, censendus est concedere so- lam facultatem quae illi sufficit, ut is, & volente propria, & re utatur voto, & exequendo votum. Quod absque do- minii translatione fieri potest. Censendum est enim superiorem, minimum quod potest, velle credere pari suo. Cum possit po- tesse ad subditi bonum pertinere, ut superior tantquam adhuc dominus facultatem illam revocet. Hujus rei videtur multi DD. asserentes uxorem teneri obedire viro praecipienti, ne votum exequatur, quod iam licentia obtenta emiserat, quamvis peccet vir praecipiens. Hi sunt Gloss. ordin. Num. 30. ad fin. & ibi Hu- golinus. c. D. Bonav. 4. dist. 32. in exposi. lit. num. 4. & ibi Ri- cardus. ar. 2. quest. 2. ad primam. Hostiensis. summ. tit. de voto, s. Quis voverit possit, nu. 8. vers. Uxor etiam, Abbas c. Charissimus, n. 4. de convulsi. conjug. & c. Scriptura num. 8. de voto, ubi Henr. Bum. 6. Vincent. specul. doctrinal. to. 1. l. 9. c. 86. Lex 8. t. 8. p. 1. Turret. c. Sum. quodam 17. q. 1. num. 10. & dist. c. Manifestum, num. 3. & q. 4. D. Anton. 3. p. 1. c. 22. int. Cajet. summa. v. Votum cap. ult. in prin. Angel. votum 2. nu. 10. Avill. v. Votum, num. 12. Adrianus 4. q. 14. de matrim. Navo. sum. c. 12. num. 61. & 73. Nicol. de Orbel. 4. d. 38. q. 1. s. 7. Briquet. de sponsal. concl. 30. n. 14. Alex. in suo Enchir. 2. praec. tradi. de voto, s. 3. de licen- tia, Jo. Hesslin. in expo. Decalogi 2. praec. cap. 14. Graffius. l. part. decis. lib. 2. cap. 29. fin. & 2. p. l. 2. c. 12. n. 27. Lud. Lop. l. part. decis. lib. 4. s. Peccat praetuli. c. cap. 30. s. Mulier uxor. Atque expressè tenent haec lent. Innoc. c. Scripti. ad fin. de voto, Gra- tian. dist. c. Manifestum, s. Ex praemissis, Majoris 4. dist. 38. qu. 4. dub. 2. quod incipit, Dubitatur qui possunt voverè, versic. Quare persone, Rosell. votum 3. num. 2. Sivo. votum 4. qu. 2. dist. 6. Cajet. 2. qu. 88. art. 8. dub. 2. Sotus lib. 7. de iustitia, quest. 3. art. 1. vers. Majori autem, & 4. d. 27. q. 1. art. 4. versic. Id autem, Barib. a Ledes. dub. 20. de matrim. concl. 1. Pa- ludanus 4. d. 38. dist. 3. fol. 872. col. 2. vers. Porro autem, Sum- ma de voto qu. 3. num. 62. Nieva sum. tit. 136. Angel. Florib. 2. part. qu. de voto, art. 7. post 9. dist. dub. 1. Aragon. 2. qu. 88. art. 8. fol. 1019. Valent. 2. d. 2. dist. 6. qu. 6. de voto, puni. 6. qu. 3. Emman. sa sum. v. Votum, ubi de voti irritatione, s. Ier- ritans votum sine causa, Manuel 2. tom. sum. c. 90. n. 5. Vega 2. tom. sum. c. 120. cap. 2. & 3. Quid autem de votis tempore divortii factis ab adultero, de licentia innocenti, dicam libi. fec. dist. 10. num. 14.

5 Nec audiendus est Angles num. praec. alleg. restringens ad vota emissa de licentia superioris, pro tempore subjectionis; secus de implendis cessante potestate superioris. Cum enim verum possint maritus, & alii superiores ea vota irritare, perinde ac tempore subjectionis implenda (ut diximus disp. praec. h. 16.) non video cur nequeant valide utraque irritare, quan- vis habita licentia, facta sint. Nam ratio m. praec. tradi- tione aequè habet locum in hoc casu. Nec etiam constituit discrimen quoad hoc inter vota realia, & personalia. Sed de utriusque idem dicendum est. Quia DD. num. praec. allega- ti indistinctè loquuntur, & textus & ratio ibi adducta idem probant. Quid de voto non intendenti dicam num. 17.

6 Ino idem credo, quamvis superior dicat vobis, se illi concedere facultatem irrevocabilem: adhuc enim valde irri- tatio potest facta, & facultas revocari poterit, quamvis irri- tator poterit, & voluerit eximere subditum a sua potesta- te, quoad illam rem promissam. Quia adhuc non accipit subditus possessionem, nec dominium exemptionis illius, sed solum habet titulum, quo illam exemptionem comparare possit, quando faciat id quod requiritur, nempe cum votum exequatur.

7 Secunda conclusio. Peccat lethaliter vir irritans votum uxoris, aut alius superior subditi de sua licentia emissum, nisi iusta causa intercedat. Prob. cap. 30. Num. ibi: Postquam ipse ini-

quitatem eius, id est, peccatum solvet pro transgressione voti illius, ut explicat Lira & Tabali. ibi. At si sola esset venialis culpa, non appellaretur iniquitas: nec esse peccata commina- rentur. Secundo, quia licet apud superiorem maneat domi- nium illius rei, at non manet liberum, sed obligatum ad exhi- bendum rem illam Deo, ratione voti subditi, quo res illa suo contentu obligata est Deo. Quare tenetur ex vi votifacere quantum in se est, veram illam promissionem sua auctoritate factam, non impediendo subditum, quo minus impleret. Unde peccatum superioris impediens, & absque iusta causa irritan- tis; redocetur ad sacrilegium transgressionis voti. Quod ex genere suo est lethale. Atque ita docent Cajet. 2. q. 88. art. 8. d. 3. Lex 8. l. 8. p. 1. Navar. Angl. Arag. Graffius, Vega, quos retuli n. 4. Manuel 2. tom. sum. c. 89. n. 6. Lud. Lop. l. part. instr. cap. 48. s. Peccat prelati. Intellige autem, quando materia esset gra- vis: Reputarem materiam gravem illam, cujus transgressio sufficiens est ad constituendam culpam mortalem in ipsius voti transgressione. Quia perinde est votum non implere, ac ejus implerionem injure impedire. Quare non est credendum Ro- sella votum 3. n. 2. dicenti non esse culpam mortalem, & potest probari. Quia cum superior ipse minime voluerit, non est cur voto subditi obligetur. Votum enim unius, alterum non obligat. Sed factus est solutio. Quamvis enim votum unius non obliget alterum, ut illud explicat, obligat tamen ne injure impediat. At superior injure impedit, revocans absque causa legitima, semel ipso consentiente, consecratum Deo. Quod si iusta causa irritandi adfit, vacabit culpa superior irritans. Quia tunc potest non abuteri, cum possit occurrere casus in quo utilis esset ad Dei honorem irritare. Sic Major. D. Ant. Rosell. Sita. Palacios, Arag. nu. 4. alleg. Sotus lib. 7. de iustit. q. 3. art. 1. vers. majori autem, Vega 2. tom. sum. c. 139. cap. 91. & ex- presse colligitur ex Cajet. sum. vers. Votum, cap. ult. statim in prin. & ex Navar. sum. c. 12. n. 7. dicitur etiam, esse culpam irritare absque causa quali oppositum sentientes, existente ad- huc iusta causa. Non videtur autem tam ingens causa desiderari ac ad dispensationem in voto. Quia irritatio illa innotuit potestati dominativae, quae ex se nullam postulat causam ad irri- tandum. Et cum adhuc duret dominium, obligatio illa superi- oris ex suo contentu orta non inducit tantam obligationem ad non revocandum, ac si non actus domini, sed meri dispensatio- nis esset irritatio: ac proinde licet causam desideraret, at non tam gravem; ac dispensatio. Et in hoc aperta erit differentia inter illam irritationem, & dispensationem. Insuper erit alia, quod haec ad sui valorem causam justam petiit illa autem solum ut recte fiat. Nam factam sine causa, validam esse probavimus n. 4.

Hinc colligunt aliqui, superiorem absque iusta causa irri- tantem votum subditi iam licentia factum teneri implere votum illud. Sic Fonseca in apor. ad marginem Cajet. super cap. 40. Num. ad fin. & haec dicit illic solus esse germanum sententiam. At melius colligere teneri cum superiorem iterum concedere facultatem subdito implendi votum illud. Sicut injure impediens volentem exequi votum, tenetur obstatulum removere: & maxime si esset votum reale, ut erogandi elemosynam. Quod admittit DD. referenti n. 24. asserentes eam non esse veram irritationem, sed suspensionem. At utrumque carere solido fundamento existimo. Quoniam cum votum illud penitus per irrevocabilem casum sit, nec iterum consensu solus superioris revivificare possit (ut n. 25. probavimus) nulla obligatioe jam subditum nec superiorem afficere potest. Quod enim non est, operari nequit. Id tamen verum est, & convincit ar- gumentum propositum, teneri superiorem, qui nondum votum irritavit, sed obligationem suspendit, negare exequendi licentia, iterum cum concedere. Quia cum adhuc obligatio voti vigeat, tenetur iustitiam impedimentum auferre.

Major autem difficultas est. An taciturnitas, & dissimula- tio superioris cognitio voto, censetur consensus ac licentia, ita ut jam non amplius integrum sit illi irritare absque causa, perinde ac si iuxta licentia factum esset? Id enim asserunt Innoc. c. Scriptur. n. 3. vers. Sed nobis, de voto, ubi Jo. An- dr. nu. 4. Cardin. q. 12. Rain. & ejus Glossator, ut relet eos sequens Sotus Religio qu. 15. Aulen. qu. 15. Matr. qu. 149. Adrianus qu. 14. de matrim. Valent. 2. d. 2. dist. 6. quest. 6. de vo- to, pun. 6. qu. 1. unde dicitur Aulen. & Adrian. debere ita- tum auditu voto contradicere. Quod explicat Siva. id est, eadem die, & probatur ex cap. 30. Num. ibi: Quod si audient vir tacuerit, & in alteram diem disulerit sententiam, quicquid voverat, reddet.

At dicendum est posse adhuc irritare. Quia potestas irri- tandi est actus domini, at domino integrum est uti aut non uti, re, dum voluerit. Et confirm, quia est a quo petitur fa- cultas utendi re illius, poterit differre decretum quonque ve- lit. Nec obstat lex illa Numerorum, quia quoad hoc fuit cer-emonialis, & jam cessavit, teste Cajet. ibi. Ita docent D. Th. 4. dist. 32. in fin. in expo. lit. & ibi Palud. q. 2. art. 2. n. 17. Cajet. c. 30. Num. in fin. Tab. Matrim. l. 8. 4. & videtur sentire D. An- ton. 3. p. 1. c. 22. Sivo. votum 5. q. 2. Jo. de Fruburg. sum. cau- sess. l. p. 1. s. 4. 45. ubi dicitur viro prius dissimulante, & postea contradicente non teneri uxorem votum implere. Sed quid dicendum si superior tacuit, & revera internum consentium habuit approbandi votum? Videtur enim id non sufficere, ut dicatur votum licentia, & consensu superioris factum, cum jam votum sit praeteritum, & illud non sit approbare votum, sed non impedire executionem. Deinde, quia cum taciturnitas illa, si re-

si reputetur consensus, cedat in damnus superioris, ut pote qui suo se privat iure irritandi ad libitum, id non est praesumen- dum. Tacens enim in re libi nocenti non censetur taciturnus (ut probavi lib. 1. disp. 5. n. 5.) Atque ita in hac re taciturni- tatem non esse signum sufficientem affirmat Cajet. super c. 30. Num. fin. consensus autem nulli signo externo explicitus, sed mere internus superioris, non videtur sufficiens, ut votum subditi firmum, & irrevocabile adhuc causa reddatur. Cum id etiam sit in damnus subditi. Ceterum dicendum est sufficere, si vere superior voluit ratificare votum, secus si tantum voluit non impedire pro tunc illius executionem. Ducor primo, quia quoties consensus superioris non desideratur ad valorem actus subditi potest praestari in ipso actu, & ante, & post, ut multis citatis probat Marien. lib. 5. de c. 3. lib. 5. g. l. 2. Quod in hoc casu con- tingit. Nam votum illud subditi validum erat, & efficaciter obligabat ante superioris consensum, quo eam solum firmi- tatem accipit, ut deinceps absque causa revocari licite nequeat. Deinde quia votum illud subditi idem firmum non est, sed ad placitum superioris revocabile, quia taciturnitas habet condi- tionem, si superior consensus consentum praestiterit & non con- tradixerit, teste D. Th. 2. q. 88. ar. 8. cap. 4. in solut. ad 1. 3. & 4. ergo, accedente consensu superioris etiam post votum factum, firmum redditur votum, perinde ac contractus conditionalis implet conditione, l. Poror 11. in prin. ff. qui potiores in pig. no- re habeantur. Et confirm, quia si quis voluisset de aliquid factu- rum Petro consentiente, vel non contradicente, statim ac Pe- trus consenserit, efficax ac firmum esset votum: ergo facti- miter erit dicendum de voto subditi, quod similem habeat ta- citurnam conditionem. Taciti enim, & expressi idem est iudicium. Eo vel maxime, quod illud votum non obligat, donec Petrus consentiat: hoc autem statim obligat, & superioris consensus votum illud firmum reddit. Nec obstat consensum superioris in- ternum esse. Tum, quia jam aliquo signo externo exprimitur, ni- mirum, taciturnitate & dissimulatione illa. Quamvis fatear esse sufficere eiusdem consensus. Tum etiam, quia cum votum illud omnimodum haberet firmitatem ex parte subditi, ipsi- que statim obligaverit, & solum jus superioris maneat integrum & illatum, ut revocare ad libitum possit: ut superior ipse iam hoc iure privet, non desideratur notum fieri eius consensum sub- ditis: sed satis est ut Deo fit cognitus. Nullam enim pactum consensu superioris inter cum subdito, sed Deo manet obliga- tus ad non revocandum. Sicut si superior interne votum faceret non irritandi, tenebatur non irritare. Atque hujus sent. ex- presse videtur Cajet. tit. c. 30. Num. fin. ubi ait superiorem au- ditu subditi voto tacentem, si revera non consentit, posse absque culpa revocare: ubi clare contrarium significat, ubi adesse internus ille consensus, cum taciturnitate exteriori. At si subditus factu voto aliquid donandi pauperi, aut fa- ciendi illud, nec licentia obtenta votum innovaret: veteris illud votum esset adhuc licentia factum, ac proinde posset ad superioris libitum irritari. Quia facultas illa non fuit ad votum jam emissum approbandum, cum superior illud ignoraverit. Nec votum denuo factum esset media illa facultate. Sed quid, si subditus obtenta licentia aliquid faciendi, aut donandi, vo- veat de id factum? Videtur enim id votum de licentia superioris factum. Quia eo ipso quod superior concedit licentiam do- nandi, videtur concedere promittenti. Quare si ille homini promitteret se eum donaturum, & diceret vere de licentia superi- oris promissionem illam factam esse. At dicendum est id vo- tum non esse factum de licentia superioris: ac proinde posse absque causa ab eo irritari. Quia id votum est novum onus, & quod subditus libere faciebat obtenta ea licentia, jam ex neces- sitate praecipit facti, cui oneri & praeccepto superior minime consentit. Deinde, quia iure divino & naturali est data licen- tia religioso non mentiendo, & imposita necessitas, & tamen non potest ipse nec uxorem de non mentiendo efficax, & irrevocabile a superiore emittere, ob novam obligationem sibi impositam (ut diximus disp. praec. nu. 4.) Non ergo licentia aliquid efficiendi est licentia votandi. Praeterea, quia longe difficilius concederet superior subdito licentiam jejuniandi om- nibus sexibus feriis, ac id votandi, quam jejuniandi simpliciter. Quia hoc non est gravamen subdito, qui potest libere omit- tere jejuniandum, nec superioris, qui potest libere licentiam re- vocare. Illud autem est magnum gravamen, privat enim libe- ritatem & superiorem libertate, illam, omittendi abque culpa; hanc, irritandi absque causa, Aut licentia censetur concessa cum multum praesudicium possit. Nec obstat argumentum contrarium. Quia promissio, & pactum contrahendi in plu- rimum praecedit ipsi contractum distractionis in humanis, atque est quilibet dispositio, ac proinde superior dans licentiam celebrandi distractionem, vius est dare ad promissionem illius distractionis, l. Oratio, ff. de spons. ut dans licentiam in eundem matrimonium, censetur dare celebrandi sponsalia. At votum dandi vel faciendi, non est via ad dispositio, & initium ipsius operis, vel contractus dandi, sed alterius ordinis, ac proinde non includitur licentia.

11 Tertia conclusio. Peccat etiam mortaliter subditus petens absque iusta causa voti irritationem, quod de superioris licen- tia fecit. Quia cooperatur peccato mortalis superioris. At si subditus datus de causa sufficienti, illam proponit superio- ri, qui capax est discernendi, num iusta sit (quod addo propter uxorem & virum, dominum, & servum) immanis esset cul-

pa. Quia potest iudicio superioris stare, ubi autem superior non esset capax id iudicandi, consulendus est vir doctus.

Quarta conclusio. Tradita re voto promissa cum superioris licentia, nulla est in superiori potestas revocandi. Ratio enim cui innituntur Cajet. Sot. Aragon. & Valentia nu. 4. allegati, ut ante traditionem licet superiori revocare; est, quia adhuc manet tunc dominium apud superiorem, sed traditioe facta iam translatum est dominium in alterum, l. Traditionibus 20. C. de padis. Ergo jam non licebit revocare.

Quinta conclusio. Re integra, id est, atequam inferior vo- lunt illud emittat, ad quod superioris licentiam obtinuit, potest superiori licentiam revocare. Quia tunc nulli est jus acquisitum. Sicut si concessit facultatem jejuniandi, polset il- lam revocare. Sic D. Bonav. 4. dist. 32. in exposi. lit. n. 4. ubi Ricard. ar. 2. quest. 2. corpore; Palud. quest. 2. ar. 2. n. 38. Ro- sell. votum 3. num. 2. Temperant Ricard. & Palud. quando li- centia privatim concessa est, secus si publice. Sed merito id reprobatur Rosella. Quia in neutro casu est jus acquisitum, sed res est integra.

Ex dictis infer Aragon. 2. qu. 88. ar. 8. fol. 1020. integrum 14 esse superiori, revocare ante traditionem, promissionem ho- mini factam de ejus licentia, sicut & votum. Quia inter- que casu dominium manet apud ipsum, in quo suadatur po- testas irritandi votum. Et si dicas promissionem homini factam, acquiri suo homini: similiter dicam per votum acquiri suo Deo. Sed dicendum est nullo modo posse valide irri- rare, sed semper teneri superiorem permittere subdito ut im- plectat, quamvis ipsum subditum non exequentem, reitente superiori, a culpa eximi credam. Quoniam licet dominium maneat apud superiorem, at est jus acquisitum homini, cu- jus jus non potest superior remittere, cum non gerat vires ipsius. At cum gerat vires Dei ad gubernandum subditi vo- luntatem, potest remittere jus acquisitum Deo per votum, valide semper, & licite, quando adest causa, & quamvis licite faciat, quando absque causa remittit, cum tamen id fa- ciat ut superior, si queque obediendum (ut explicabitur n. seq. in solut. ad ult.) adhuc gerat vires Dei. Sicut Confessarius va- lide absolvens, at peccatis mortaliter, gerit vires Dei in quan- tum absolvit, quamvis culpa sua abatur potestate.

Ad argum. n. 2. proposita resp. Ad primum dico, ut omni- no votum subditi facti irrevocabile, desiderari ultra consensum superioris, traditionem ipsam: ac ut non possit licite absque causa iuxta revocari, satis esse eum consentum. Ad 2. respondet bene Cajetanus 2. q. 88. ar. 8. dub. 3. subditum tantum accepisse quasi possessionem emittendi voti, atque ideo praetatum minime posse eicere qui fuerit validum, non au- tem accepisse quasi possessionem circa rem promissam, quo- nique illam reddat, & ideo superiorem valde irritare. Ad 3. constat ex dictis num. praeced. ubi discrimen constituitur. Ad ultimum resp. bene Cajet. ad dub. 3. quod malitia se tener ex parte rei ipsius praeccepta, quia nimirum prae- cipit injusta superior, non esse ei obediendum: secus quando malitia se tenet ex parte ipsius superioris praecipientis, qua minime praecipit injusta, quamvis peccet praecipiens, ut con- tingit in hoc casu.

Quaestio II. An possit maritus irritare votum castitatis, de 10 sua licentia ab uxore factum: valide quidem, etiam absque iusta causa: & licite, interveniente iusta causa: ut de ceteris votis sua licentia factis diximus? Quidam negant de vocata- sitatis, quamvis de aliis votis admittant. Ducuntur 1. quia si vir faciens copiam votandi contentiam uxori, simul vo- veat de uxoris consensu, nequit irritare (ut dicemus n. 20.) ergo etiam ipse non voveat, ipsum enim voverit, aut non voverit, parum videtur conferre ad irritandi potestatem. 2. quia superior potest irritare subditi vota sua licentia facta, quia adhuc opera promissa manent sub ejus potestate, & dominio, & sic cum ille possit prohibere, potest tollere obli- gationem a subdito per votum contractum; quare votum de ejus licentia emissum circa opera, quae non subiacent eius dispositioni: ut est votum non petendi in uxore, in qua re non est viro subiecta: & votum de rebus necessariis, ut de non mentiendo, in quocumque subdito, irritare minime po- terit, quia materia non est in ejus dominio. Quod si dicas, posse ratione novae obligationis, in quantum vir potestatem habet in illum actum liberum, per quem fuit inducta, id non obstat. Quia jam actus ille liber est traditus, & consecratus Deo ex ipsius superioris consensu, atque ita non manet am- plius sub ejus potestate. Tertio probatur ex D. Ambrosio. lib. de Paradiso, c. 10. & reterat c. fin. 33. qu. 5. ibi: Vota vero con- sentientia ita alterius permittit ab altero valde offerri, quod post promissionem non valent in irritum. Et ita haec sent. tenent D. Th. 4. dist. 32. in exposi. lit. Magill. & ibi D. Bonav. nu. 4. & ibi Albert. Magni ar. Ricard. ar. 2. quest. 1. ad primum, Paludan. quest. 2. ar. 2. num. 17. Gratian. cap. Manifestum, s. Ex praemissis 33. quest. 5. & ibi Turret. in Jo. de Fruber. sum. confessor. lib. 2. t. 8. qu. 45. Adrian. 4. quest. 14. de ma- trim. D. Anton. 3. par. 1. l. cap. 22. s. 3. Rosell. votum 3. num. 2. Pilana votum 3. s. 3. Sivo. votum 5. qu. 2. Taberna Matrini. l. 8. 4. Navar. summa cap. 12. num. 61. Philareus de offic. sacerdot. tom. 1. par. 2. lib. 3. cap. 4. s. Sed major dif- ficultas est; Manuel 2. tom. sum. c. 95. n. 5. qui intelligit, nisi in quantum votum castitatis praecipiat viro, unde ar non fi- cere irritare, ut mulier possit petere. Temperat etiam Palud. nisi